



UNIVERSITÄTS-
BIBLIOTHEK
PADERBORN

**Roma Sancta sive Benedicti XIII. Pontificis Maximi &
Eminentissimorum & Reverendissimorum S. R. E.
Cardinalium Viva Virtutum Imago Æri & literis in
perennaturam Virtutum memoriam incisa**

Conlin, Johann Rudolph

Augustæ Vindelicorum, Anno MDCCXXVI

VD18 10209328

No. XXXIII. Benedictus Erba Odescalchus Mediolanensis.

[urn:nbn:de:hbz:466:1-72633](#)



No. XXXIII.

BENEDICTUS ERBA ODESCHAL. CHUS MEDIOLANENSIS.

BEnedictus tit. S. S. Nerei & Achillei Cardinalis Odeschalchus Mediolanensis, Archiepiscopus Mediolani natus est Anno 1679. in prædictâ Urbe Mediolanensi, quæ opum ditissima, præclarorum ingeniorum partu non minori per Europam famâ inclarescit. Immensas opes inde desumas licet, quod Sola ea Urbs Joanni Austriaco Anno 1574. jussu Regis Hispaniarum Philippi II. trecentena coronatorum millia pendere jussa; paulò antè quinques centenis coronatorum millibus ærario Principis illatis; ut adeò tunc annua unius urbis pensio octies centena coronatorum millia facile conficeret; quin satis constat, sub initium evoluti sæculi in usum Hispanicæ militiae à Solis Mediolanensis civibus in singulos dies septena Philippicorum millia suisse impensa. Præclaros hæc Aurifodina Viros aureo veluti sinu effudit Pontifices Maximos: Alexandrum II. cui tota Anglia denarium, quem Sancti Petri vocabant, persolverat: Celæstimum IV. quem octodecim dierum Pontificem mors propera sustulerat: Pium IV. qui Concilium Tridentinum à Paulo III. inchoatum, integratum à Julio à se renovatum absolverat, ingenti rei Christianæ bono; cui equidem Concilio toto illo tempore interfuerant quinque Sacrae Romanæ Ecclesiæ Cardinales, qui Pontificis nomine præsidebant, præter alios quamplurimos: Tres magni nominis Patriarchæ: Tres supra triginta Archiepiscopi: CXXXV. Episcopi: VII. Abbates: Tot diversorum Religiosorum Ordinum Generales Præpositi: nec minus sex supra centum insignes Theologi, totius Orthodoxi Orbis Lumina longè illustrissima, quorum solidissimam doctrinam supersurgens Sectariorum quisque, nec quidem comparere ausi fuerant, ut plenis buccis Concilium paulò antè crepuissent. Quales, quantique Ambrosii & Caroli Borromæi Mediolanenses fuerunt? Quot, quāmque insignes Episcopi ad ejus clavum Ecclesiæ federunt? ita ut ex triginta supra centum Episcopis, quinque & triginta Sanctorum fastis illatos constet. Quot Mediolanensis Purpuræ honorem Sacra Roma dedisti? Borromæis, Odeschalchis, Cusanis, Scottis, Vicecomitibus, Spondratis, Trivultiis, Castilloneis, Alciatis, Plattis, Romis, Meltiis, Littis &c. &c. Quām docta Lumina Mediolanum peperisti Andream Alciatum, Hieronymum Cardanum, & quos paulò antè enumeravi omnes? A quibus omnibus longius enumerandis dum supersedeo, est, cur in Solis Odeschalchis, lucidissimis Mediolani Syderibus, aliquantis per hæream. Inter quos à Sanctimoniam & insignibus in Christianum Orbem meritis commendatissimus Vir Innocentius XI. Odeschalchus Pontifex Maximus omnium primus occurrit. Is Anno 1676. plenus meritis ad Romanum Solium elevabatur; probè gnarus, quantum suis, ut plures Athlantæis humeris

meris onus imponeretur, lætissimum Romanis Electionis suæ diem Solus lachrymis celebrabat. Reginam Sueciæ Christinam ad suos prostratam pedes Neoelectus statim vidit, & in Sacrae Romanæ Ecclesiæ gremium receptam Alteram hanc Sabæ Reginam sincerissimo gaudio exultabat. Nepotismus ab ipso, carnem & sanguinem neutiquam respiciente, saluberrimis sanctionibus vapulabat. In vita & reliquis vitæ commodis tanta moderatione utebatur, ut à privato non discerneret. Examen Episcoporum rigorosissimum haberi voluit, ne qui cæteris præcessent, lucerna essent, sub modio posita. Alearum lusum severè Romanis interdixit. Legatorum prætensum jus, assylum malefactorum quibuscumque aperientium, restrinxit. Cùm Dei causam curaret, Regum odia vilipendebat ; hinc Avenionensem Comitatum, à Gallis Sedi Pontificie in tempus subtractum, inter lucra reponebat. Turcarum Tyranno Viennam Austriæ obsidente, quas suis necessitatibus subtrahebat pecunias, in Sacrum bellum impedit. Imperatorem, Polonos, Venetos, ut triplici foedere adversus Barbaros coirent, virésque unà jungerent, impulit. Planè in causâ fuit, cur Buda Regni caput, cur tota reliqua Hungaria, in Christianorum manus devenerit. Moriebatur Anno 1689. à nemine non pro Sancto habitus, cùm tota ejus vita Sanctitatem spirarit. Illa, qua mors ejus obtigerat, die, è Colosso, in foro Romano posito, ingens gravissimo pondere fragmentum deciderat, manifesto arguento, quantus Ecclesiæ Vir interiisset. Innocentii XI. duo Germani Fratres Marcus Antonius & Carolus Odeschalchi Fraterno Lumine toti quanti micabant. De Marco Antonio satis constat, quod solis Christianæ Charitatis operibus totius vitæ suæ deuersu occupatus fuerit ; hinc magnificentissimum suum palatium in Hospitale, amplissimam hæreditatem in patrimonium pauperum, autum omne in monumenta pietatis converterat. Carolus Odeschalchus prolem ex se non degenerem progenuit Livium Odeschalchum, qui Odeschalchorum celeberrimam familiam penè ad regium culmen evexerat ; nam ex Polonis A. 1697. non deerant, qui regios fasces huic Principi Sapientissimo æquè ac ditissimo offerebant ; sed ille pro eximiâ suâ Sapientiâ probè gnarus, Polonos ex ambientium æmulatione auream messem plerunque sibi deposcere, cavebat scilicet, ne in inexplebile illam Comitiorum voragine, pecunias denique suas, spe dubiâ, projiceret. Nec tamen ille minus insignes Principatus possidebat. In Regno Hungariæ à Leopoldo I. Romanorum Imperatore felicissimæ mem. Comitatum Sirmiensem, postea in Principatum evectum, donum acceperat, ut cùm Innocentio XI. Odeschalcho Hungaria è Turcarum manibus erepta, magna ex parte debetur, aliquo gratitudinis monumento in Nepotibus compensaretur. Dein Ducatum Braccianum in Patrimonio Petri fiduciario jure à sede Pontificia obtinuit. Insper Principatum Ceri præter alia Funda gentilitia quam plurima possidebat. Verum cùm mascula proles huic principi, opibus præpotenti, decesset, illustrissimam Domum de Erba ex asse hæredem instituit, ea tamen lege, ut in nomen Odeschalchorum unà immigraret. Et decuit præclaræ stirpis nomen perpetuò apud Posteros vigere, utpote quæ jamdum Caroli Magni temporibus ingentibus per Italiam incrementis florescere occoperat ; nam cùm ille, à Lombardorum saeva tyrannie Italianam liberaturus, Alpes superasset, magnam Gallicæ nobilitatis partem unà secum trahebat, quos inter Odeschalchus Dux bellicosus erat, qui ut victrice per Italiam lilia, expulsis Lombardis explicantur, in medios sèpè hostium cuneos irrumpiebat. Postea Italiae amœnitate invitatus, hunc Europæ hortum longè amœnissimum affluentibus suæ Galliæ delitiis præhabuit. Ejus posteri Agrum Comensem utplurimum inhabitabant, ubi multa Odeschalchorum monumenta reperias, quæ illustrissimæ stirpis antiquitatem satis loquuntur. Sed in Solo Eminentissimo nostro Purpurato Benedito Odeschalcho satis Orbis habet, unde Clarissimæ magnitudinem Familiae dimetiatur. Is expertissimæ Princeps prudentiæ, sagaciter

omnia digerit, Principum Aulas, quas percursavit, sui admiratione implevit, & cum fragrantissimus virtutum odore flos omnibus videretur, transpositus est maturè in Romanum Viridarium, ut ubiores fructus progigneret; & verè amplissimos protulit. Cùm Año 1706. Prolegati munere apud Ferrarienses fungeretur, ii nihil ægriùs ferebant, quād quòd à se ad Sarmatas dimittendus esset, ubi tot, tamque insignibus Pontificiis Nuntiis sterilis huc usque campus arabatur, cùm per æterna gentis inquietæ litigia ad Regni Felicitatem pertinere nunquam liceat. Invenit tamen Odeschalchus Polonię amicabili fortunæ variantis vicissitudine ab hostibus liberatam; nam postquam Suecorum Rex Carolus XII. cum lectissimo LIV. millium exercitu Vcrainiam intrâset, Moscos debellaturus, pro speratis palmis, tristes cypresos in patentibus circa Pultavam campis colligebat, & rerum mundanarum fragilitatis, Princeps certà generosissimus admonebatur. Spreverat ille tunc, suâ videlicet fortunâ ebris hostem, longa armorum tractatione, in Martis arenâ, satis exercitatum. Hinc Magnus Moscorum Dux, insignem contemptum suam fore occasionem ratus, in ipsa Imperii viscera præfidentem Regem, sensim retrocedendo, alliebat. Sequebatur ille fugientem, victoriam in eo solùm positam ratus, si modò manus conserere cum hoste daretur. Sed aliud Mosco Consilium erat, cedendo bellum propulsare, hostemque viarum incommodis & inediâ fractum demum proterere. Sensit Carolus serò nimis, quād temerario Consilio in has fraudes sese induisset; & in medio hostium positis omnibus, tot fluiis, densisque nemoribus à tergo objectis, & cibariis utplurimum deficiens, aut cum hoste, cuius exercitus penè triplò major erat, confligendum, aut intra castra fame miserè pereundum erat. Pugnatum est, eò animo, qualis inter integros & penè fame enectos, esse solet. Ex XXX. Suecorum millibus (tot enim ex longissimi itineris calamitatibus supererant) novem millia temeritatis pœnam morte luerunt. XIX. millia, armis depositis, vitam pauci, hostibus se dediderant. Rex ipse cum solitâ corporis custodiâ ægrè elapsus, Boristenem transibat, inde Turciam, periculosisimum asylum futurum, petiturus. Moverat ea rerum convercio Fridericum Augustum Poloniæ Regem, ut è suâ Saxoniâ redditum in Polonię pararet; nec enim credebat, standum iis conditionibus, quas hostis armatus contra jus, fasque extorsisset; nec etiam per leges Poloniæ licet, ut Rex folio se abdicet, nisi integra Respublica in id consensum præstet. Is erat Poloniæ Status, cùm Benedictus Odeschalchus regnum intraret, Felix Sarmatis Bosphorus futurus, quibus Concordiam, Concordiam perpetuò occinebat, si modò sanioribus illi confiliis aures unquam præberent. A Nuntiatura Polonica Romanus Odeschalchus evocabatur, ubi eum Purpura exspectabat, quam Clemens XI. in Consistorio Secreto habito die 30. Jan. A. 1713 in eum contulerat. Tunc quidem Verba Sanctissimi Patris ea fuere: Præterea ad majorem Dei gloriam, Sanctaque Romana Ecclesia Utilitatem, ac decus, creare intendimus Benedictum Odeschalchum Archiepiscopum Mediolanensem, cuius virtutes satis vobis compertæ sunt, & note. Plura dicere Sanctissimus Pater in Clarissimi Viri encomium non potuisset. Videlicet virtus, omnibus nota, encomio non eget. Romanum rediens Odeschalchus, Viennam allabebatur, Carolum VI. Romanorum Imperatorem longè Augustissimum, & Auspicatissimum de viâ salutarius. Is Principem sumis exceptum honoribus, Arcano etiam colloquio adhibuit. Ejus etiam eximias virtutes, prudentissimus rerum æstimator Carolus, tanti habuerat, ut Archiepiscopatu Mediolanensi in insignem hunc Virum jamdum A. 1712. 18. Maij collato, eas sibi condecorandas duceret; eo quidem magis, quod Innocentii XI. Odeschalchi insignia erga Augustissimam Domum Austriae merita, remuneranda sibi in Nepotibus iterum iterumque viderentur. Redux in Italiam factus, è Principibus Moscis unum, Magni Nominis Bojarum, ad Unitatem Ecclesie, Græcis erroribus abjuratis, Zelofissimus Antistes traduxerat. Archiepiscopatum suum tam præsenti curâ moderatur, ut Mediolanensis Ecclesia omnia Pristinorum Antistitum suorum eximia decora in eo uno sibi reviviscere sentiat; Tam ille cumulatissimorum Virtutum Princeps ad comitissimæ sibi Ecclesie Clavum irrevocandus sedet. Nec ad Nobiliorem Clavum sedere alium conspicias: Nam CLAVUM, quo Amantisimus noster Redemptor, Crucis alligatus, peperit, ipse Mediolani Archiepiscopus (qua quidem in urbe asservatur) reverenter custodit, & adorat.